



# ЛЕЗГИ Газет

Жуван Ватан, ватанэгълияр,  
дидед чIал хуьх!



## “Шарвили” эпосдин суварик теклифзава

**30-ИЮНДИЗ** Ахцега лезги халкъдин игитвили “Шарвили” эпосдиз талукъарнавай 19-фестиваль кыле фида. Чехи сувар экуьнин сятдин 7-даз “Келед хев” дагъдилай зурнеяр ягунилай гатлунда.

Сятдин 9-даз суварик иштиракун патал Ахцега райондиз атанвай мугъманар къаршиламышда. Адет хъанвайвал, фестивалдин сергъятра аваз халкъдин арада чехи гъурмет ва еке агалкунар къазанмишнавай инсанрив “Шарвили” премия ва гъурметдин грамотаяр вахкуда, гъевескаррин коллективри концерттар гуда, спортдин акъажунар тешкилда.

Сувар ачухуниз талукъарнавай кылин мярекят сятдин 12-даз В.Эмирован тварунихъ галай паркда кыле фида.

Играми ватанэгълияр! Чна кез чхалкъдик руьгь кутазвай и суварик теклифзава. Сеняткаррин, къавалрин алакунриз къимет це, спортдин акъажунра иштирака, Дагъустандин эстрададин виридалайни хъсан векилри тамамардай манийрикай лезет хжуд!

1920 – йисалай акъатзава

N 25 (10826) хемис 21 – июнь, 2018 – йис WWW.LEZGIGAZET.RU

Къимет “Дагпечатдин” киоскрай - 16 манат

## “Вири дуьнья патал важиблувал авай мулк”

Самур вацI гъуьлукъ какахъзавай чкада милли парк тешкилуникай “Экология” ВНИИ-дин директор Сергей Фокинан фикирар



Милли “Самурский” парк гъикъван важиблукъ я?

Гъуьсен ШАГЪПАЗОВ

Алай йисан мартдиз Россиядин Федерациядин тебиатдин ресурсрин ва экологиядин министерстводин элкъурна кунвай тебиат хуьнин рекъяй илимдин-

ни ахтармишунрин институтдин векилар, Самурдин тамун мулкар ахтармишунин макъсадалди, Дагъустан Республика-диз мугъман хъанай.

Чаз малум тирвал, 2018-йисуз Государстводин тебиатдин федеральный метлеб авай “Самурский” заказник мил-

ли паркдиз элкъурнуин къвалах гъиле кунва. Пешекарри жележгдин парк алай вахтунда авай гъал ахтармишна: винел патан акунар, ана авай гъайванрин, гъашаратрин, набататрин жуьреяр ва икI мад; абуру заповедный, яни хвена къанзавай зулуниин сергъятарни тайинарна.

Майдин эхиррай Лезгийрин милли ва культурадин федеральный автономия-дин президент Ариф КЕРИМОВ идалай са тIимил вахт вилик Дагъустандин тебиатдин ресурсрин ва экологиядин министерствода Милли “Самурский” парк тешкилуниин месэладай совещание тухвай РФ-дин Минприродадин Вирироссиядин элкъурна кунвай тебиат хуьнин рекъяй илимдинни ахтармишунрин институтдин директор Сергей ФОКИНАХЪ галаз гуьруьшмиш хъанай. Гуьруьшдин вахтунда терефри милли парк тешкилунихъ ва и карди чкадин агъалийрин уьмуьрдиз гъи жуьреда таъсирдатIа, гъадахъ галаз алакълу месэлаяр веревирдна.

Чна чи келчийриз “Экология ВНИИ” ФГБУ-дин директор Сергей Фокинахъ галаз хъайи суьгъбетдай чулук теклифзава.

▶ 8

## Цийи теклифрин суракъда...

Агъмед МАГЪМУДОВ

**ЛЕЗГИСТАНДА** ихътин мярекят тешкил хъувун тавуна гзаф йисар тир. 19-июндиз Къасумхуьрел Махачкъала, Дербент шегъеррай, Рутул, Агъул, Ахцега, Докъузпара, Хив, Мегъарамдхуьруьн, Табасаран, Дербент, Къурага районрай пара мугъманар атанвай. И юкъуз ина, медениятдин И.Тагъирован тварунихъ галай маканда, Къиблепатан Дагъустандин халкъарин чIаларал акъатзавай газетар кIелзавайбу республикадин СМИ-рин кылин редакторихъ галаз гуьруьшмиш хъана. Мярекятда вахтуналди РД-дин печатдин ва информациядин министрдин везифаяр тамамарзавай Рашид Акавова, Сулейман-Стальский райондин кыл Нариман Абдулмуталибова, Дагъустандин журналистрин Союздин председатель Али Камалова, “Лезги газетдин” кылин редактор Мегъамед Ибрагъимова, “Дагъустан” ГТРК-дин ва РГВК-дин реьгерри Луиза Алиханова, Елена Тагъирова, “Табасарандин нурар”, “Нур”, “Самурдин сес”, “Эренлардин сес”, “Рутулрин хабарар”, “Дагъдин булах”, “Цийи дуьнья”, “Агъулрин хабарар”, “Куьредин хабарар”, “Дербентдин хабарар” газетрин кылин редакторри Гуьлагъмед Маллали-



Мярекятдин асул макъсад милли газетар кIелзавайбурун фикирар чирун тир

ева, Байрам Абдуллаева, Абдул Исмаилова, Алибуба Эмирсултанова, Байрамбег Мегъамедова, Алван Рамазанова, Дашдемир Шерифалиева, Омар Мирзоева, Асият Мирзалиева, Наида Къасимова, “Куьредин ярар” журналдин редактор Агъмедпаша Агъмедпашаева, Сулейман-Стальский райондин мектебрин директорри, муаллимри, мухбирри, кIелзавайбуру иштиракна.

▶ 4

Мугъманар тебрикуналди гуьруьш Нариман Абдулмуталибова ачухна. Вичин рахунра райондин кыли лезги чIалал акъатзавай са жерге изданийрин агалкунрикайни нукъсанрикай, республикадин телеканалрин къвалахдикай, соцсетра мукъвал-мукъвал гъакъикъатдихъ галаз ерли къан тийизвай, къалп хабарар

## Нумрадай кIела:

ОБЩЕСТВО

### Къасумхуьрел - киоск

Къейд ийин хъи, “Дагпечат” ГАУ-дин киоскрай подписчикрив газетар вахтунда ахгакъзава. Идалайни гъейри, почтадин отделениейрилай тафаватлу яз, киоскдаи газетар, журналар подписка авунин къиметни ужуж я.

▶ 4

ИРС

### Шарвилидин насигъатар

Гъакъикъатдани, Шарвилидин суваричи халкъдин арадай лап бажарагълубур, къуватлубур, уьткъембур жагъуриз куьмек гузва. Цинин йисузни Ахцега спортдин, халкъдин сивин яратмишунрин, гъилин-тулун сеняткарвилерин ва гзаф маса рекъерай килигунар, конкурсар кыле фида.

▶ 6

МЕДЕНИЯТ

### “Литературадин чIалан битаввал хвена къанда”

Ни вуч лагъайтлани, кхъинрин чIалан сифте къанун орфографиядин къайдайрал амал авун я. ГъакI авурла литературадин чIал мягъкем жеда, тавурла - ваъ. ГъикI хъайитлани, я лезги редакциядиз, я машгъур литератордиз, я саилдиз вичиз къан хъайивал кхъидай ихтияр авач.

▶ 9

САГЪЛАМВАЛ

### Жувалайни гзаф аслу я

Эхиримжи йисара “республикадин вузрادرин чирвилер гузвач, дипломрихъ Россиядин регионра ихтибарзамач” лугъудай гзаф чка-чкада тикрарзавай. И кардикай гъа вузра кIелзавайбурузни малум тир. Академия акъалтIарай Мегъамедани, белки, гъавилияй вичин чирвилер, пешедин рекъяй тежриба Санкт-Петербургдаин ординатурада, интернатурада артухарна.

▶ 10

МЕДЕНИЯТ

### “Дагъвияр” фестиваль

Маса уьлквейрай атана, Дагъустандин вузра кIелзавай студентар сегънедиз экъечлуни гъам дагъвияр, гъамни мугъманар гъейранарна. Афгъанистандай, Сириядай, Нигериядай, Кот-д’Ивуардай, Къиблепатан Кореядай тир студентри ина, ватандивай яргъа, чпи неинки илимар чирзавайди, гъакI чпин халкъарин милли меденият хуьзвайди, вилик тухуник пай кутазвайди субутна.

▶ 11

ХАБАРАР

### Дагъларин уьлкведин дамах

Мукъвара зун вичин тIвар фадлай малум тир са лайихлу лезгидихъ галаз “Фейсбук” соцсетда таниш хъана. Ам пешедал рикI алаз къвалахзавай, вичихъ агалкунар, машгъурвал ва нуфузлувал авай пешекар журналист, мад са шумуд хилляй алакунар авай жегъил инсан я.

▶ 12

## Дагъустан Республикадин Къилин Указар

А. Ч. АДЖИЕВАН гъакъиндай

1. АДЖИЕВ Азнаур Чингисханович гугъуьллудаказ Дагъустан Республикадин Къилин ва Гъукуматдин Администрациядин Пресс-къуллугъдин руководителдин къуллугъдикай азад ийин.

2. И Указ адал къул члугур йикъалай къуватда гъатзава.

Дагъустан Республикадин Къилин везифаяр  
вахтуналди тамамарзавай

В. ВАСИЛЬЕВ

Махачкъала шегъер, 2018-йисан 18-июнь, №69

Т. Ю. ЧИНЕННАЯДИН гъакъиндай

1. ЧИНЕННАЯ Тамара Юрьевна гугъуьллудаказ информациядин политикадин рекъй Дагъустан Республикадин Къилин ва Гъукуматдин Администрациядин Управленидин начальникдин къуллугъдикай азад ийин.

2. И Указ адал къул члугур йикъалай къуватда гъатзава.

Дагъустан Республикадин Къилин везифаяр  
вахтуналди тамамарзавай

В. ВАСИЛЬЕВ

Махачкъала шегъер, 2018-йисан 19-июнь, №70

Информациядин политикадин рекъй Дагъустан Республикадин Къилин ва Гъукуматдин Администрациядин Управленидин начальникдин гъакъиндай

1. ЗУБАЙРУЕВ Зубайру Исаевич информациядин политикадин рекъй Дагъустан Республикадин Къилин ва Гъукуматдин Администрациядин Управленидин начальниквиле тайинарин.

2. И Указ адал къул члугур йикъалай къуватда гъатзава.

Дагъустан Республикадин Къилин везифаяр  
вахтуналди тамамарзавай

В. ВАСИЛЬЕВ

Махачкъала шегъер, 2018-йисан 20-июнь, №71

## Эцигунар: мумкинвилер ва месэлаяр



19-июндиз Дагъустандин Къилин везифаяр вахтуналди тамамарзавай Владимир Васильева Дагъустан Республикадин Хатасузвили Советдин заседание киле тухвана.

РД-дин Къилин ва Гъукуматдин Администрациядин пресс-къуллугъди хабар гузайвал, заседанидал залзалаяр хуьнин хаталувал авай чкайра гзаф мертебайрин дараматар эцигунихъ галаз алакъалу месэлайриз килигна ва шегъерра эцигунар киле тухуниз талукъ законодательстводал амал авунин, и рекъй хатасузвал таъминарунин барадай исполнительный властдин ва чкадин самоуправленидин органри къабулзавай серенжемар веревирдна.

Рикел хкин: республикада, садални алуьк тийиз, гзаф квартирайрин квалер эцигунин квалахар гегеншдаказ тухуз хъана. Гъа са вахтунда муниципальный тешкилатриз ахтин дараматар гиле-гил аваз, суддин къарардал вил алаз акъваз тавуна, чуклурдай ихтияр авайди тир.

Заседанидал рахай республикадин руководителди малумарайвал, Махачкъалада киле тухузвай эцигунри, са патахъай, еке мумкинвилер ачухзава, мукъуь патахъай лагъайтла, кыл тлардай месэлаяр арадал гъизва.

РД-дин эцигунрин ва ЖКХ-дин министр Малик Баглиева кьейд авурвал, ихтин гъалар шегъерра эцигунар киле тухунин квалахдин гъакъиндай РФ-дин законодательстводал амал тавунин нетижада арадал атайди я. А законодательстводал асаслу яз, шегъерра эцигунар вини дережада аваз киле тухун таъминарунин патахъай чкадин самоуправленидин ва го-

сударстводин органрин хиве жавабдарвал гъатзавайди я.

Идахъ галаз алакъалу яз, гележегда законсуздаказ эцигунар киле тухунин вилик пад къадай мумкинвал гудай къайда-яр кардик кутунин чарасузвал авайди малумарна. Малик Баглиеван фикирдалди, РД-дин архитектурадин ва шегъерра эцигунар киле тухунин рекъй цийиз тешкилнавай Комитетдин руководстводи пландилай къецй муниципалитетрин архитекторрин аттестация киле тухун, абуру пешекарвиле жигъетдай чпивай ийизвай истемишунриз жаваб гузватла тайинарун герек я. Идалайни гъейри, муниципальный тешкилатриз шегъеррин микрорайонрин ва кварталрин мулкар дуьзгун къайдадиз гъунин проектдин патахъай Комитетдихъ галаз меслятар авун теклифна. Эхирдай министрди Дагъустандин тарихда сифте яз тешкилзавай цийи къурулушди – РД-дин Къилин патав гвай шегъерра эцигунар киле тухунин рекъй советди бегъерлуздаказ квалахуник умуд кутуна.

Заседанидин иштиракчийр экономикадин ва сурьсетдин барадай Дагъустан Республикадин хатасузвал таъминарунин мураддалди къабулзавай серенжемризни килигна.

Заседанидал гъанвай месэлаяр веревирд авунин карда РД-дин Халкъдин Собранидин Председатель Хизри Шихсаидова, РД-дин Гъукуматдин Председатель Артем Здунова, РД-дин Къилин ва Гъукуматдин Администрациядин руководитель Владимир Иванова, республикадин министрствойринни ведомствойрин, муниципальный тешкилатрин руководителри ва жавабдар къуллугърал алай маса ксари иштиракна.



## Жемятдихъ галаз веревирдна

Меьгарамдхуьруьн районда милли “Самурский” парк тешкилуниз талукъ месэладай общественный яб акалунар киле фена.

Меьгарамдхуьруьн райондин администрациядин 2018-йисан 17-майдин къарардал асаслу яз райондин администрацияда 19-июндиз общественный яб акалунын мярекат киле фена. Ам милли “Самурский” парк тешкилуниз лазимлувал, и мулкуниз къетлендаказ хуьзвай, федеральный метлеб авай мулкунин дережа гун бинеламишзавай материалар веревирд авуниз талукъарнавайди тир. Идан гъакъиндай “Лезги газетдиз” Меьгарамдхуьруьн райондин администрациядин пресс-къуллугъди хабар гана.

Мярекатда Меьгарамдхуьруьн райондин кыл Фарид Агъмедова, “Вироссиядин элкьурна кунвай тлебиат хуьнин илимдинни ахтармишунардай институт” ФГБУ-дин векилри, “Дагестанский” заповедникдин къуллугъчийри, республикадин тлебиатдин ресурсин ва экологиядин министерстводин векилри, проектировщикри ва райондин агъалийри иштиракна.

Мярекат ачухай райондин кыл - общественности веревирд авунин серенжемар киле тухунин рекъй комиссиядин председател Фарид Агъмедова кьейд авурвал, вири жуьрейрин месэлаяр гялдай члавуз ада гъамиша законодательстводал амал ийида, гъа са вахтунда халкъдин итижар чарасуз яз вилив хуьда.

Месэла общественности веревирд авуниз гъазурвал акунин барадай закондалди къалурнавай шартлар администрацияди килиз акъуднава, общественности яб акалунар тешкилуниз гъакъиндай малуматар СМИ-ра чапна ва Интернетдин сетдай раижна.

Общественности яб акалунар тешкилайди “ВНИИ Экология” ФГБУ я.



Мярекатдал рахай Фарид Агъмедова кьейд: “Алай аямдин шартлара Дагъустандин киблепата ландшафтдин ва биологиядин жигъетдай жуьреба-жуьревал хуьн патал мулкарин саламатвал таъминарунин виридалайни менфятлу жуьре милли парк я. Идалайни гъейри, милли “Самурский” парк тешкилуниз квалах 2020-йисан девирдалди федеральный метлеб авай, къетлендаказ хуьзвай тлебиатдин мулкарин система вилик тухунин Концепциядал асаслу яз килиз акъудзава. А Концепцияда тлебиатдин къетлендаказ хуьзвай и мулкуна милли парк 2018-йисуз тешкилуниз къалурнава”.

Месэла веревирд авунин сергъятра аваз докладар “ВНИИ экология” ФГБУ-дин илимдинни методикадин “Заповедное дело” центрадин руководитель Дмитрий Очагова, Краснодар шегъердин ЦЭПСА ООО-дин векил Марина Сергеевади, Вирдуньядин тлебиатдин фондунин - “Россиядин Кавказ” отделенидин векил Роман Мнацеканова ва масабур авуна. Рахайбуру милли “Самурский” парк винидихъ тлар кунвай, вич РФ-дин Гъукуматдин 2011-йисан 22-декабрдин тапшуругъдалди тести-къарнавай Концепциядин бинедаллаз тешкилзавайдакай, гъакъин милли паркдин мурадрикай ва везифайрикай Самурдин сармашухрин (лианайрин) там, кылт ва чпиз фад хасаратвал жезвай жуьрейрин гъайванар хуьн патал и мулкунихъ авай метлеб-дикай, гъакъин этнокультурдин, яшайшдин экономикадин жигъетдай адан важиблувиликай суьгъбетна. Роман Мнацеканова милли парк тешкилуниз талукъ проект вичин баянарин галаз раижна.

Месэла веревирддай члавуз мярекатдал гъам алимар, гъам чкадин агъалияр рахана. Самурдин тамун патарив гвай хуьрерин агъалийри - месэла гъалунин иштиракчийри теклифнавай проектдин са бязи пунктарики дегишвилер кухтун, кылди къачуртла, хуьрерин агъалийриз саламатдиз хуьзвай зонадиз майишатдин игътияжар килиз акъудун патал аздаказ фидай ихтияр гун теклифна. И ва са жерге маса теклифар гъисаба къуна ва абур проектдик дегишвилер кухтадайвал протоколда кьейдна.

Марина Сергеевади малумарайвал, чкадин агъалияр кардин гъакъикъатдин гъавурда дуьздаказ тун лап важиблу я: я райондин руководство, я илимдин идарайрин векилар инсанрин итижриз зиян гуз квалчин жезвайди туш. Ихтилат сармашухрин там хуьникай ва ам пайгардик кутун патал лазим тир чараяр акуникай физва.



# Цийи теклифрин суракьда...

1

чукруникай, бязи дуьшуьшра ихтин крариз государстводин изданийрини рехъ гузвайдакай лагъана.

- Милли члаларал акъатзавай газетрихъ еке важиблувал ава, - къейдна Н.Абдулмуталибова. - Хайи члалар хуьнин, вилик тухунин жигъетдай абур ийизвай кваллах чехиди я. Гьукуматди милли прессадиз гузвай куьмек мадни артухарна кланда. И кардила адан къисмет, гележег аслу я...

Н.Абдулмуталибова "Лезги газетдин" жигъетдайни бязи фикирар раижна. Ада эхиримжи вахтара газетдин ери, клалуб хъсан патахъ дегиш хъанвайдакай лагъана. Гьа са вахтунда алимди газетда чапзавай официальный макъалайрин члал залан жезвайди, клелзавайбур четиндиз гьавурда акъазвайди, ярги макъалаяр - тимил, куьруь, амма манадиз метлебулур гзаф гана кланзавайди, газетдиз акъатзавай вири макъалаяр хуси сайтдани эцигун лазим тирди къейдна...

жуьре хабарар клелзавайбурун къадар къвердавай артух жезва, - лагъана ада. - Гьафтеда садра акъатзавай газетдилай тафаватлу яз, Интернетда таза хабарар гзаф жезва. Гьавилей алай девирдин несилри и рекъиз артух итиж ийизва. Шад жедай кар ам я хьи, милли члаларал акъатзавай хейлин газетри сайтарадал гъанва, абур сетдин изданий хъиз регистрация авунва. Интернетдин маса ресурсрихъ галаз санал "Лезги газет", "Табасарандин нулар" газетрин сайтрин хабарарни "Яндексдиз" акъатзава. Им милли прессадин агалкъун я...

Газет итижлуди авун патал клелзавайбурухъ галаз хуьзвай алакьа мягъкемарна кланда... Абурун игътияжар фикирда къуна, гьар са редакторди редакциядин сиясат арадал гъун герек я. И вахтунда газетрин тиражарни артух жеда, - алава хъувуна Р.Акавова.

Машгьур общественный деятель, медицинадин илимрин кандидат, "Лезги газетдин" вафалу амадаг Нариман Рамазанова хайи

вахтунда ва лазим дережада фикир гунилай, районра хайи члалал акъатзавай газетдин жигъетдай таблугат тухудай клваллар тешкилунилай пара аслу тирди лагъана.

"Лезги газетдин" штатдик квачир мухбир Райсудин Набиева мярекатдин иштиракчийриз 2018-йисан 2-пай патал хайи члалал акъатзавай газетар хъиниз звер гана ва милли прессадин гьакъиндай вицихъ авай фикирарни раижна.

Милли изданийри хайи члалар хуьнин, акъалтзавай несилар тербияламышунин карда къугъвазвай ролдикай, редакцияра авай месэлайрикай Али Камалова, Мегьамед Ибрагъимов, шаир Сахидин Саидгъасанова, Гуьлагьмед Маллалиева, Байрам Абдуллаева, муаллим Гьажимегьамед Гьажимегьамедова ва масабур лагъана.

Гуьруьшдин сергьятра аваз Сулейман-Стальский райондин къил Нариман Абдулмуталибовав РД-дин журналистрин Союздин, "Лезги газетдин" редакциядин, генерал-полковник Мегьамед Танкаеван



Шикилар ягъайди - Х. КЪАСУМОВ

Гуьруьшдин иштиракчийри хайи члаларал акъатзавай изданийрин агалкъунарни нукъсанар къейдна

» Шад жедай кар ам я хьи, милли члаларал акъатзавай хейлин газетри сайтарадал гъанва, абур сетдин изданий хъиз регистрация авунва. Интернетдин маса ресурсрихъ галаз санал "Лезги газет", "Табасарандин нулар" газетрин сайтрин хабарарни "Яндексдиз" акъатзава. Им милли прессадин агалкъун я...

Вичин рахунрин эхирдай Сулейман-Стальский райондин къили РД-дин печатдин ва информациядин министерстводиз и мярекат тешкилунай чухсагъл малумарна. Милли члаларал акъатзавай газетар клелзавайбурухъ галаз киле тухузвай гуьруьшдин къилин макъадрикай Рашид Акавова ихтилатна. Адан гафарай малум хъайивал, гуьруьшдин асул метлеб клелзавайбурухъ гьихтин теклифар, игътияжар, итижар аватла чируникай ибарат я.

"Къе Къасумхуьрел республикадин са жерге изданийрин къилин редакторар атанва. Абуруз газетрин дережа хъажунин жигъетдай квехъ гьихтин теклифар аватла чириз кланзава. За квевай активнидаказ иштиракун, сулар гун, хабарар къун тлалабзава", - лагъана министрди залдихъ элкьвена.

Рашид Акавова иштиракчийрин фикир Интернетдин мумкинвилерал желбна. - Интернетдай жуьреба-

члаларал "гъужумар" ийизвай вахтунда ихтин гуьруьш киле тухун кутугай кар хъанвайди къейдна. Ада и йикъара Госдумада Россиядин милли СМИ-риз гузвай фикир артухаруни талукъ месэлаяр веревирд авунвайди рикел гъуналди, улкъведа хайи члаларал акъатзавай изданийрин гележег хъсанди жедайдак умуд кутуна. Вичин рахунра Н.Рамазанова Россиядин почтади зайифдиз кваллазавайди, подписка ийизвайбурув газетар вахтунда агак тийизвайди лагъана. Ада республикадин печатдин ва информациядин министерстводин руководстводивай и месэладиз къеттен фикир гун тлалабна.

Бажарагълу писатель, Шихидхуьруьн мектебдин муаллим Нажмудин Шихнабиева "Лезги газетдин" тираж артух хуьн хуьрерин мухбиррин макъалайриз газетдин чинрал гзаф чка, критикадин макъалайриз гьукумдин къурулушри

тварунихъ галай фондунин патай гуьрметдин грамотаяр вахкана. И фондунин председатель, общественник, хейлин йисара республикадин Гьукуматдин органра кваллахай Гьасангъусейн Абдулжелилова са жерге газетрин редакцияриз гуьрметдин грамотаяр ва "Лезги газетдихъ" галаз хейлин йисара сих алакьаяр хуьзвай Рутул райондин Хуьлуьдрин хуьрай тир Саидагьмед Абдурашидовазни шаир Сахидин Саидгъасановаз "Бурж ва намус" орденар гана.

Милли прессада бегьерлудаказ кваллазавай ва республикадин изданийрихъ галаз алакьаяр хуьзвай са жерге мухбирин зегьмет гуьрметдин грамотаяр гуналди РД-дин печатдин ва информациядин министерстводини "Лезги газетдин" редакцияди къейдна.

Лагъана кланда, клелзавайбурухъ галаз ихтин гуьруьшар мукъвара Махачкъалада, Ботлих, Къизляр районрани киле тухуда.

Агьмед МАГЪМУДОВ

И йикъара Къасумхуьрел, алишверишдин "Терсепул" центрадин патав РД-дин "Дагпечать" ГАУ-дин киоск эцигнава. Гила Сулейман-Стальский райондин агъалийривай "Лезги газет" ва чпин рик алай маса изданийр почтадин отделенийрилай гъейри, киоскдайни кхъиз жеда.

Лагъана кланда, эхиримжи вахтара "Лезги газетдин" редакциядиз мукъвал-мукъвал, чпив газетар вахтунда ахгакъзавач лугуьз, почтадин отделенийрай газет кхъенвайбуру наразивилин зенгер ийизва. И месэладин патахъай чна Дагъустандин почтадин Управленидиз хабар ган-



## Къасумхуьрел - киоск

ва ва талукъ серенжемар къабулун тлалабнава.

Къейд ийин хьи, "Дагпечать" ГАУ-дин киоскрай подписчикрив газетар вахтунда ахгакъзава. Идалайни гъейри, почтадин отделенийрилай тафаватлу яз, киоскдай газетар, журналар подписка авунин къимметни ужуз я. И делилар фикирда къуна, "Лезги газетдин" редакциядин руководстводи "Дагпечать" ГАУ-дихъ галаз Лезгистандин района киоскар кардик кутунин жигъетдай рахунар киле тухванва. Гьелелиг Сулейман-Стальский района са киоск эцигнава. Эгер киоскрай газетар, журналар подписка ийидайбурун къадар пара хъайитла, къведай йисуз абур Белиж поселокада, Мегьарамдхуьруьн, Ахцегь района эцигдай фикирар ава.

Агъадихъ чна Сулейман-Стальский района авай киос-

кдай алай йисан 2-пай патал подписка ийиз жезвай изданийрин сиягъ гузва.

"Лезги газет" - (киоскдай - 220 манат, почтадин отделенидай - 410 манатни 10 кепек); "Дагестанская правда" - (киоскдай - 576 манат, почтадин отделенидай - 1308 манат);

"Молодежь Дагестана" - (киоскдай - 180 манат, почтадин отделенидай - 439 манат);

"Анжи спорт" - (киоскдай - 1205 манат);

"Российская газета" - (киоскдай - 775 манат);

"ЗОЖ" - (киоскдай - 215 манат);

"Комсомольская правда" - (киоскдай - 642 манат);

"Дагъустандин дигегили" - (киоскдай - 126 манат, почтадин отделенидай - 145 манат);

"Самур" - (киоскдай - 147 манат, почтадин отделенидай - 186 манат);

"Кард" - (киоскдай - 105 манат, почтадин отделенидай - 145 манат).

Киоскдай подписка ийизвай газетарни журналар кваллиз ахгакъарзавач, абур киоскдай вахчуна кланзава. Винидихъ къалурнавай изданийрилай гъейри, "Дагпечать" ГАУ-дин киоскдай центральный маса изданийри кхъиз жезва.

## Ташшуругъар гана

Хийр ЭМИРОВ

Алай йисан 19-июндиз Ахцегь райондин администрацияда терроризмдиз акси комиссиядин нубатдин заседание киле фена. Ам "Ахцегь район" МР-дин къил, АТК-дин председатель Осман Абдулкеримова киле тухвана.

Мярекатда РД-дин Къилин куьмекчи, РД-дин АТК-дин векил З.Шайдабегова, Ахцегь райондин прокурордин заместитель Т.Мегьамедова, райондин имамрин советдин председатель А.Абдулгъашумова иштиракна.

Заседанидал агъадихъ галай месэлайриз килигна: "Лезги халкдин игтивилин "Шарвили" эпосдин сувариз гъазур жезвай ва ам киле тухузвай вахтунда райондин мулкунал общественный хатасузвал ва къайда-низам таъминарун патал къабулзавай алава серенжемрин гьакъиндай", "Россиядин Федерацияда 2013-2018-йисара терроризмдин идеологиядиз акси комплексный пландихъ галаз алакьалу серенжемар Ахцегь района уьмуьрдиз кечирмишунин ва гьа и пландин

сергьятра аваз образованидин къурулушда, жегилрин, паталай кваллахиз атанвай мигрантин арада профилактикадин кваллах тухунин гьакъиндай".

Винидихъ къейд авунвай месэлайрин ва тухузвай кваллахдин гьакъиндай заседанидал "Ахцегь район" МР-дин къилин заместителар А.Шуаева, Р.Гьамзаева, райондин къайдаяр хуьдай отделдин начальникдин везифаяр тамарзавай А.Демирова, образованидин управленидин начальник А.Гъажиева, спортдин, жегилрин ва туризмдин рекъай отделдин къилин пешекар Н.Исмаиловади малуматар гана.

"Ахцегь район" МР-дин къил О.Абдулкеримова райондин администрациядин жавабдар къуллугъчийрал, хуьрерин администрациядин килерал, къайдаяр хуьдай органрин руководителрал герек вири серенжемар къабулун тапшурмишна. Ада райондин диндин векилрихъ галаз санал кваллахуналди, райондин мулкунал диндин ва политикадин экстремизмдин гьерекатрин вилик пад къадай мярекатар киле тухуниз звер гана.







# “Вири дуьнья патал важиблувал авай мулк”



1

■ **Сергей Геннадьевич, Кьиблепатан Дагустандиз ва, кылди къачуртла, Самурдин тамуз мугьман хьуникай Квевай вуч лугуз жеда? Куьн тебиатдин и надир комплекс гьакьикъи хаталувилик акатнавайвилин фикирдал атанани?**

- Ваь, атанач. Самурдин там - им дурумлу ва вичи вичин игьтияжар тамамвилелди таьминарзавай, экологиядин вичиз тешпигь авачир шартлара авай къурулуш я. Ина Кавказдин дагьларай къвезвай ятар чилин вичилел, яни вацларай ва къарасуйрай авахьзавайдалай гзаф чилин дериндай физва ва абуру Каспий гьуьлуьн къерехда авай гьекьикайла са акван гьаркьуь тушир, набататар патал иллаки къулай тир чимивилин шартлар авай бегьерлу чилин зулуни игьтияжар таьминарзава. И къурулушдин асул пуд пайни: Кавказдин рагькъечидай патан чехи гьуьнедин (макросклон) вичел патан акунар, къвалар (жив, марф, чиг) геьенш майданра санай масаниз фин ва чилел къун, чимивилин къайда - дурумлу я ва дегишвилер набататар вердиш жез агакьдайдалай явашдиз жезва. Набататри къарникьузур, мантар ва гьайванар яшамаш хьун патал шартлар тешкилзава.

Ик, вири и клпалар ва клеретлар патал хаталувал анжах тади гьалда жезвай дегишвилери арадал гьизва, ихьтин вири дегишвилер лагьайтла, инсандин гьерекатрихь галаз алакьалу я. Сифтени-сифте иник инсанар яшамаш жезвай чкайрин, хуьрерин майданар артух хьун, ишлемиззавай, тебиатдай къачузвай цин къадар гзафарун, вагьши гьайванар ва набататар авай чкайриз хасаратвал гун акатзава.

Иигиндаказ (вахтуниз геологиядин жигьетдай килигайла) кьиле физвай и антропогенный дегишвилери тебиатдиз еке зарар гузва, амма а дегишвилер инсанри арадал гьизвайбуру я, талукь яз, инсанривай гьалар пайгардик кваз хуьзни жеда. И экосистема акатнавай гьакьикъи хаталувилин вилик пад инсанривай къаз жеда, тебиатди лагьайтла ахпа, яваш-яваш, вичин хирер сагьар хьийида.

■ **Чи уьлкве патал и экосистемадин кьиметлувал ва вичиз тешпигь тахьун квекай ибарат я? Адан виридалайни назик чкаяр гьихьтинбуру я?**

- Вичиз тешпигь тахьун адакай ибарат я хьби, ина чими гьуьлуьн къерех тирвал гьуьтлуь, мусибатдин гарарикай хвенвай, вичик Европада виридалайни къакьанди тир дагьларин системадин куклушрай авахьзавай яд ва минералар кужумзавай арандин зул ава. Инсанар яшамаш хьун патал и чка са акван

къулайди туш, гьаниз килигна ина вагьши тебиатдин гьекьикайла еке майданар икван чивалди ама. Кьарши мисал яз, инал Чулав ва Средиземный гьуьлерин къерехрикай лугуз жеда.

■ **Куь фикирдалди, Самурдин тамун гьалдиз ина чилин деринрай яд къачудай тадаракер эцигуни (алай вахтунда и кьвалах акьвазарнава) гьикъи таьсир авун мумкин я? Бес ик хьайила ам вич таьминарзавай авай са чешмедикай - чилин дериндай къвезвай ятарикай магьрум жеда эхир?**

- Арадал атанвай экосистема гидрологиядин вичиз тешпигь авачир и къайдадихь галаз сих алакьада ава. Тарихда алатнавай чехи пай вахтунда Самур вац гьуьлуьк какахьзавай къерехда гьекьикайла тимил къадар инсанар яшамаш жезвай. Агьалийрин къадар артух ва авайдалай гзаф яд къачуз чалишмиш хьуни экосистема чуькуриз хьана ва сад-къве несил алатайдалай къулуьх ина майишат кьиле тухун саки мумкин тушир кардиз элкьвена. Инсанар хьфизвай - тебиат хквезвай. Идахь галаз алакьалу яз, чилин деринрай къвезвай ва вац гьуьлуьк какахьзавай чкада авай арандин и зул таьминарзавай ятар ишлемизшиз башламишунин гьакьиндай къарар къабулдалди вилик гидрогеологиядин шартлар муькуьфдивди ахтармишун ва и мулклар патал арадал атун мумкин тир нетижаяр виликамаз фикирда къун лазим я. Дербент шегьер целди таьминардай маса рекьериэни килигун чарасуз я.

■ **Самурдин тамуз милли паркуни дережа гуникай адаз вуч хийир жеда? Цийикла туькьур хьувунин гьерекат кьилиз акьудна куьтягун патал гьихьтин шартлар тамамарна кланда?**

- Милли паркуни дережа гуни адан мулкуниз инсанрин гьерекатри ийизвай таьсир хьуьтуьлдаказ гуьнгуьник кутадай, гьакьни ихьтин таьсир тебиат тергдайди тахьуналдикъетдивди гуьзчивалдай мумкинвал гуда. Паркуни тебиат хуьнин къайдадин бинеда, тамамарзавай кьвалахриз килигна, паяриз паюн ава. Ик хьайила, инсанрин таьсир, са патахьай, ина майишат кьиле тухузвайбуру патал хийирлуди жеда, муькуь патахьай лагьайтла, ида вагьши гьайванар ва набататар хуьдай мумкинвал гуда.

Хам тебиат иллаки назик тир ва “эхирижи къуватдалди яшамаш жезвай” чкайра майишатдин кьвалахар кьиле тухунал тамамдаказ къадагьа эцигзава. Тебиатдин комплексар инсанрин таьсирдин ва тебиатдин къуватрин яргал вахтунда давам жезвай алакьайрин нетижата арадал атанвай чкайра лагьайтла, инсанрин гзаф йисара арадал атанвай яшайишдал экологиядин жигьетдай

алава тир сергьятвилер эцигдач (месела, чуьрара ва уьруьшра).

Кьилинди ам я хьби, милли паркда тебиатда жезвай дегишвилерал датлана гьуьзчивалда ва и кардин нетижата арадал атанвай делилрин бинедаллаз и ва я маса сергьятвилер кардик кутада (ва я абур къуватдай вегьеда).

Милли паркдин къайдадин бинеда эцигзавай сергьятвилер жезмай къван гьечибур хьун, амма абур са шартни алачиз тамамарун ава. Гьар са къадагьа кардик кутунихь вичин себеб ва абур чкадин агьалияр гьавурда гьатдайбуру хьун патал. Гьаниз килигна милли паркдихь бес къадар пешекарар жеда, и пешекарриз лагьайтла, чкадин агьалийрихь галаз хуш алакьаяр хуьн лазим я.

Кьвалах, гьа жергедай яз майишат, тебиатдиз зарар тагудай жуьреда кьиле тухун патал хейлин такьатар лазим я. И такьатар федеральный бюджетдай чара ийизва, гьикъ лагьайтла милли парк - им вири дуьнья патал важиблувал авай мулк я. Россиядин Минприродади чара ийизвай бюджетдин хейлин такьатар гьа жергедай яз кьвалахдин цийи чкаяр арадал гьун патал ишлемизшда, им лагьайтла, регион патал гзаф важиблу месэла я.

Инал кьейд авун важиблу я, милли парк сад-садакай чара тир кьве участкай ибарат жеда: Прикаспийский дуьзендал алай “Самурдин дельта” паюникай (13 агьзур гектардилай виниз) ва Кьиблепатан Дагустандин къакьан дагьа авай “Шалбуздагь” паюникай (42 агьзур гектардилай виниз).

■ **Цийи Милли парк федеральный дережадинди жедани?**

- Эхь, са шартни алачиз, Милли “Самурский” парк федеральный дережадинди жеда, яни ам Россиядин Федерациядин тебиатдин ресурсрин ва экологиядин министрстводиз табиь жеда. Ик, ам идара авунин ва финансламишунин кьвалахар федеральный центрдай тамамарда.



■ **Чкадин набататрин ва гьайванрин гьихьтин жуьреяр кьетпендаказ хуьн кутугнава?**

- Сифтени-сифте марфадин (йиса 7000 мм ва мадни артух къвалар къвазвай) сармашухрин (лианайрин) тамун комплекс ва адаз хас набататрин вири жуьреяр. Чехи гьайванар - мирг, хундуз, вагьши кацер, санай-масаниз куьч жедай ва ина къуьд акьудзавай, мукар ийизвай къушарин вири жуьреяр, маса санани авачир жуьре балугьар. Дагьлух чкада - къакьан дагьлара ва рагара яшамаш жезвай вири жуьре гьайванар: улар (къвед), Кавказдин кьукь, лежьер, суван къун, дагьдин цегь, вилик патан Азиядин леопард, абур яшамаш жезвай чкаяр.

■ **Чи уьлкведа ва дуьньяда ихьтин зери-риф экосистема неинки хуьз, гьакьни ви-**

ликдай авай жуьреда арадал хкиз алакьай чешнеяр авани?

- Чи уьлкведа 159 заповедник ва милли парк ава. Дуьньяда - гзаф агьзурралди ухшар жуьредин ООПТ-яр. Абурун чехи пай тебиат хуьнин ва арадал хкунин чешнеяр я.

■ **Квез Самурдин тамун гележег гьихьтинди яз аквазва?**

- Биологиядин ва ландшафтдин жигьетдай адан тешпигь авачир хьтин жуьреба-жуьревал тамамдаказ амукьда. Дуьньяда мад санани авачир тебиатдин надир пиллер акваз кланзавайбуру патал къулай шартлар тешкилда. Чкадин агьалийриз иниз мугьман жезвай ксариз къуллугь авунин, паркда кьвалахунин нетижата дурумлудаказ къазанжияр къведа. И карди экологиядихь, яни тебиатдихь галаз дуствилинди тир майишатчивилин кьвалахар кьиле тухудай мумкинвал гуда.

■ **Тебиат хуьнин важиблувилин ва экономика виликди тухунин арада пайгарвал гьикъи жагьурда? Чкадин агьалийриз милли парк тешкилуниди адетдин инсанрин яшайишда виле акьадай хьтин сергьятвилер кардик кутуникай кичезва - ик жедани?**

- Майишатдин кьвалахдал герек авачир сергьятвилер эциг тавун, гьа са вахтунда чарасуз лазим тир сергьятвилерал са шартни алачиз амал авун важиблу я. Сергьятвилер лазим тирбуруз ва амай вирибуруз хуьтуьлдаказ паюн патал лазим къадар такьатар чара авуна кланда.

Мукьвара милли парк тешкилуни месэладиз талукь яз адан сергьятрик акатдай районра: Мегьарамдуьруьн, Дербент, Ахцегь ва Докьузпара - общественный яб акалунар кьиле тухуда. Жемьядихь галаз ийидай и веревирдерин вахтунда чи пешекарар жезмай къван ачур ва гьавурда гьатдай жуьреда агьалияр Милли парк арадал гьуни неинки абурун адетдин майишат кьиле туху-

нин карда сергьятвилер тван тийидайдахь, гьакьни, туристар къабулунин ва алава тир кьвалахдин чкаяр тешкилуни гьисабдай региондин яшайишдинни экономикадин гьал хьсан патахь дегишардайдахь инанмишариз алахьда.

Са шартни алач, браконьерри, законсуздаказ там атлузвай, са ихтиярни авачир чпиз тамун чилер къазвай ва ихьтин маса ксари девран гьалунал эхир къведа. Амма чун гьавурда гьатна кланда, эгер чаз инсанвилелди яшамаш жез ва хайи тебиат хуьз кланзаватла, ихьтин чуру хесетрикай къерех хьана кланда, - имни милли парк тешкилзавайбурун кстахвал ваь, чи уьлкведин кьанун я.

Чкадин агьалийривай игьтиягвал тавуртла жеда - абурун адетдин майишатриз ва яшайишдиз са куьнини къурху гузвач.







# “Дагъвияр” фестивалъ



Эмираслан ШЕРИФАЛИЕВ

Дагъларин уьлкведа гъар гатуз фольклордин ва адетдин медениятдин “Дагъвияр” тивар алай международный фестиваль кьиле тухуз ингъе 8-сефер я. И фестивалдиз къвердавай гзаф уьлквейрин векилри-коллективри итижзава.

Алай гъафтеда кьиле физвай нубатдин фестиваль 17-июндиз Махачкъалада чехи концертдилай башламиш хъана. Къейд ийин, ЮНЕСКО-дин къаюмвилек кваз “Дагъвияр” фестиваль РФ-дин ва РД-дин культурайрин министрствойри, Россиядин ва Дагъустандин халкъдин яратмишунрин кивалери тешкилзава, ции ам Дагъустандин Кьилин куьмекдалди, Расул Гьамзатован 95 йисан юбилейдиз талуькарна кьиле физва.



Фестивалдин сифте юкъуз Милли библиотекадин вилик халкъдин устаррин, устадрин “Кавказ мастеровой” лишандик квай ярмарка-конкурс, “3и Дагъустан - 3и Россия” выставка, Россиядин регионрай атанвай фольклордин дестейрин концертар хъана.

Ярмарка-конкурсада Россиядин гзаф регионрин векилри иштиракна. Абуру чпин халкъар яшамеш жезвай чкайрин шартларив къур кьетен адетар, меденият раижна.

“Кавказ мастеровой” - им “Дагъвияр” фестивалдин цийи майдан я. Адетдиз элкьвенвай фестивалдин сергьятра аваз и цийи проект дагъустанвийриз бегенмиш хъайдал, иштиракчийр тир устарар мад ва мад сеферра чпин гьилин-тупун шейэр гваз Дагъларин уьлкведиз хкведайдал са шакни алач.

Выставкайриз килигай, чпиз хуш хъайи шейэр маса къачур меркездин агъалийрин ва мугъманрин фикир иллаки желб авурди фестивалдин иштиракчийр - маса регионрай ва уьлквейрай атанвай коллективар, Дагъустандин районрин фольклордин ансамблар милли парталар алаз, халкъдин милли кьетенвилер ашкара ийиз Расул Гьамзатован тиварунихъ галай куьчеда авай аллеяда къекъуьн, республикадин кьилин майдандал фин хъана. Киват хъанвайбуру милли парталар алай иштиракчийр гурлу капар ягъуналди, цуьквер гуналди къаршиламишна, шикилар яна.

Урусин драмтеатрдин чехи залда фестиваль ачухунин гала-концерт кьиле фена.

Республикадин Кьилин везифаяр вахтуналди тамамарзавай Владимир Васильеван патай фестивалдин иштиракчийрихъ элкьвена, теб-

Майдан Словакиядай тир фольклордин “Оргонина”, Азербайжандин “Ненелар”, Польшадай атанвай “Полигороджiane”, Румыниядин “Ардеалул” ансамблрин, Татарстандин “Сорнай” ва Удмуртиядин “Айкай” фольклордин госансамблрин, Курскдин ва Ленинграддин областрай “Вольница” ва “Вереск”, Липецкдин “ВЕРА” ва Пензадин “Вензель” халкъдин коллективрин,



Махачкъала, Дербент, Къизляр, Хасавюрт шегъерин, Буйнакский, Докъузпара, Агъул, Къизляр, Хасавюрт, Ногъай, Табасаран, Новоллак, Леваша, Ботлих, Тлярата районрин яратмишунрин коллективрин ихтиярда гьатна.



Маса уьлквейрай атана, Дагъустандин вузра келзавай студентар сегънедиз экъечлуни гьам дагъвияр, гьамни мугъманар гьейранарна. Афгъанистандай, Сириядай, Нигериядай, Кот-д'Ивуардай, Кьиблепатан Кореядай тир студентри ина, ватандивай яргъа, чпи неинки илимар чирзавайди, гьакл чпин хал-

къарин милли меденият хуьзвайди, вилик тухуник пай кутазвайди субутна.

Лугъун хьи, тамашачийрин арада, школайра рухсатрин вахт ятлани, муаллимар ва гзаф ученикар авай. Школайрин векилри къейдайвал, ктабрай келзавайдалай гьейри, и фестивалди гъар жуьре халкъарин, уьлквейрин векилар, абурун меденият акунин, мукъувай суьгьбетарунин мумкинвал гузва.

Фестивалдин нубатдин югъ Милли библиотекада миллетрин арада ислягъвал хуьнин, халкъарин меденият вилик тухунин месэлайриз талуьк элкьвей столдилай башламиш хъана. Ина неинки алимирини чиновникри, гьакл маса уьлквейрай атанвай яратмишунрал машгъул коллективрин векилри, пешекарри, Дагъустандин районра культураддин хиле къуллугъзавайбуру иштиракна.

Нянихъ Стлал Сулейманан тиварунихъ галай багъда “Фестиваль-

Ина, “Нарын-Къала” кьеледал “Пехлеваны” тивар алаз циркинин искусстводин гьакъикъи сувар кьиле фена.

Дербент “Дагъвияр” фестивалдин майдандиз элкьвейди сад лагъай сефер туш. Словакиядин, Польшадин, Румыниядин, Азербайжандин, гьакни Россиядин Пензадин, Ленинграддин, Липецкдин, Курскдин областрин, Удмуртиядин, Татарстандин коллективри чпин нумраяр уьлкведин къадим шегъердиз талуькарнавай.

Кьеледал аш авай къажгъанрай бугъ, зурне-далдамдай дагъвийриз хас зарб макъамар акъатзавай. Гуя ина вири дербентвийр киват хъанвай. Фестивалдин иштиракчийри чпин милли парталарни раижзавай. Кьеледал атанвай туристриз лап итижлу хъанвай. На лугъуди, чун са шумуд асирдин къулухъ хъфена, кьеледа уьмуьр ргзава.

Ингъе гила симинал пагъливарнар акахна. Дагъустандин Огни



ные открытки” концерт кьиле фена. Им фестивалдин гъар йикъан нетижаяр къунин лишан хъиз тешкилзавай мярекат я. Идаз концертдилай тафаватлу мярекатни лугъуз жеда. Сегънедал экъечзавай гъар са коллективди вичин региондикай, уьлкведикай музыкадин къайдада суьгьбетзава.

Концертдин сергьятра аваз “Кавказ мастеровой” ярмарка-конкурсдин гъалибчийрин раижна. Цийи проект уьмуьрдиз куьчурмишай РД-дин культураддин министрдин заместитель, РДНТ-дин директор Марита Мугадовади тебрикна, шабагъар вахкана. Ярмаркадин вири иштиракчийр гъар жуьре номинацийрин дипломралди къейдна, Гран-придиз “Авторская кук-

шегъерда авай республикадин циркинин искусстводин школадин, Мегъарамд хуьруьн райондин халкъдин циркинин искусстводин “Гъунар” коллективдин, Махачкъалада авай эстетикадин тербиядин “Радуга” центрадин векилри-симинин пагъливанри гъар жуьредин уюнралди мугъманар гьейранарна. Къецепатан уьлквейрай атанвай тамашачияр лап кичл акатна килигзавай.

Гуьгъуьнлай майдан маса уьлквейрай, регионрай атанвай коллективрин ихтиярда гьатна.



Фестивалдин нубатдин югъ Стлал Сулейманан тиварунихъ галай ял ядай багъда концертдалди акьалт хъана.

Къизлярда къазакърин культураддин “Слава казачья”, Избербашда халкъдин яратмишунрин “3и халкъдин маниярни къуьлер”, Мекегида милли парталарин “Адетар”, Агъа Казанищеда халкъдин маниярин “Дагъларин сес” мярекатар, Унцукулдани Гоцатлда сентякарвилерин суварар, гьакни Шамхал-Терменда, Таркида, Сулакда, Цийи Хушетда концертар кьиле фена. Мярекатар генани давам жезва. “Дагъвияр” фестивалъ къуьгъ хъуниз талуьк яз, эхирдай, 22-23-июндиз, “3и Дагъустан - 3и Россия” ва “Саналди чун Россия я” чехи концертар жеда.









## “Анжи” кьугьвада

Премьер-лигадин кьведай сезонада Пермдин “Амкардин чкадал Махачкьаладин “Анжи” кьугьвада.

Виликрай Россиядин футболдин союздин лицензия кьачур “Амкардивай” премьер-лигада иштиракун патал чпин финансриз талукь месэляяр гьялиз хьанач.

**Рикел хкин**, алатай сезонадин нетижайрай “Анжи” чемпионатдин 14-чкадал алай ва кьведай сезонада кьугьунин мумкинвал гузвай матчра Красноярскдин “Енисейдиз” кумукьнай.

## 12 кьизил

Каспийскда Али Алиеван тварунихъ галай спортдин ва жегьилрин комплексда Мегьамед-Салам Умаханован экьу кьаматдиз бахшна боксдай кьиле феи международный нубатдин турнир акьалтна.

Турнирда виридалайни гзаф медалар Россиядин боксёрри кьазанмишна.

Абур 12 кьизилдин, 7 гимишдин, 19 бурьунждин медалрин сагьибар хьана. Амай медалар Индиядиз (1-2-4), Азербайжандиз (0-0-4), Узбекистандиз (1-1-0), Швециядиз (1-0-1), Кьыргызистандиз (0-2-0), Эстониядиз (0-1-0), Латвиядиз (0-1-0), Эрменистандиз (0-1-0), Кьзахастандиз (0-0-1) хутахна.

Кьизил Александр Кулешова (51 кг, Россия), Людмила Воронцовади (57 кг, Россия), Наталья Шадринади (60 кг, Россия), Наталия Сычуговади (69 кг, Россия), Савеета (75 кг, Индия), Эдмонд Худояна (49 кг, Россия), Ахтем Закирова (52 кг, Россия), Абдулгьай Шарагьматова (56 кг, Узбекистан), Надьрхан Загьидова (60 кг, Россия), Дмитрий Зубкоди (64 кг, Россия), Вадим Мусаева (69 кг, Россия), Тамерлан Кьазиева (75 кг, Россия), Мурад Рабаданова (81 кг, Россия), Александр Бвамбаледи (91 кг, Швеция), Мегьамед Омарова (+91 кг, Россия) кьачуна.



## Кьетлен акьажунар

Махачкьалада Россиядин йикьаз ва Ураза-Байрам суварриз талукь яз “Старты надежды” твар алай спортдин фестиваль кьиле фена. Адан тешкилатчияр республикадин ДЮСШ, иштиракчиярни 1,5 агьзурдила гзаф аяларни абурун диде-бубаяр тир.

Са шумуд майдандал футболдай, теннисболдай ва бамперболдай мини-турнирар, аниматоррин иштираквални аваз шоу кьиле фена. Фестивалдин эхирдай цавуз еке шар ахьайна. Гьар са касдихъ ана акьахна цавай республикадин меркездиз килигдай мумкинвал авай.

Фестивалдин гьалибчийрин арада неинки футболистар, гьакь боксерар, каратистар, тхэквондистар,



шахматистар авай. Республикадин ДЮСШ-да боксдай старший тренер Мегьамедрасул Ильдарова диде-бубайрин комитетдин патай спортдин школадин директор Александр Маркароваз чухсагьулдин чар гана.

## Болгариядай медалар



Паратхэквондодай Болгарияда кьиле феи Европададин чемпионатда иштиракай дагьустанвияр Махачкьаладин аэропортуна шад гьалара кьаршиламишна. Россиядин хьагьай командадик кваз чи дагьустанвийри 1 кьизилдин, 2 гимишдин, 2 бурьунждин медалар кьазанмишна.

Европададин чемпионвилдин твар кьачур Зайнутдин Атаев, ва сифтегьан чкаяр кьур Мегьамедзагьир Ислам

дибиров, Кьадибагома Омаров, Алиасгьаб Рамазанов, Амир Рекалаев Махачкьаладин аэропортуна республикада физический культурадин ва спортдин министерстводин, регионда паратхэквондодин федерациядин векилри, мукьва-кьилийри ва дустари кьаршиламишна.

Кьейд ийин, Дагьустанвийрин медалар себеб яз Россиядин хьагьай команда турнирдин командайрин арада 1-чкадал хьана.

# “Гуманитарно-педагогический колледж”

Гуманитарно-педагогический колледж объявляет набор на 2018-2019 учебный год



ПОУ “Гуманитарно-педагогический колледж” входит в пятерку лучших профессиональных образовательных организаций Дагестана, является лауреатом Всероссийского конкурса “Лучшие колледжи России” и осуществляет подготовку специалистов со средним профессиональным образованием для общеобразовательных школ, предприятий, организаций и учреждений.



### ОСОБЕННОСТИ КОЛЛЕДЖА

- раздельное обучение юношей и девушек;
- преподавание основ и культуры религии;
- высокий уровень воспитательной работы;
- адаптация программ уровню знаний студентов;
- исключение коррупции, объективная оценка знаний.

В колледже особое внимание уделяется развитию у студентов положительных духовных и нравственных качеств, воспитанию высокой культуры поведения, умению адаптироваться к условиям современной жизни. В колледже работают высокопрофессиональные специалисты, беззаветно преданные своей профессии. Колледж располагает спортивным, актовым, читальным залами, библиотекой, столовой, компьютерными классами, модельными комнатами. Учебный процесс сопровождается современными техническими средствами обучения.



### СПЕЦИАЛЬНОСТИ:

#### 44.02.02 ПРЕПОДАВАНИЕ В НАЧАЛЬНЫХ КЛАССАХ

Квалификация выпускника: Учитель начальных классов  
Срок обучения: по очной форме: на базе 9 кл. - 3 г. 10 мес., 11 кл. - 2 г. 10 мес., по заочной форме: 9 кл. - 5 лет, 10 мес, на базе 11 кл. - 3 г. 10 мес.

#### 44.02.01 ДОШКОЛЬНОЕ ОБРАЗОВАНИЕ

Квалификация выпускника: Воспитатель детей дошкольного возраста  
Срок обучения: по очной форме: на базе 9 кл. - 3 г. 10 мес., 11 кл. - 2 г. 10 мес., по заочной форме: 11 кл. - 3 г. 10 мес., 9 кл. - 5 лет, 10 мес.

#### 39.02.01 СОЦИАЛЬНАЯ РАБОТА

Квалификация выпускника: специалист по социальной работе  
Срок обучения: по очной форме: на базе 9 кл. - 2 г. 10 мес., 11 кл. - 1 г. 10 мес. по заочной форме: на базе 9 кл. - 4 г. 10 мес., 11 кл. - 2 г. 10 мес.

#### 38.02.01 ЭКОНОМИКА И БУХГАЛТЕРСКИЙ УЧЕТ (по отраслям)

Квалификация выпускника: Бухгалтер  
Срок обучения: по очной форме: на базе 9 кл. - 2 г. 10 мес., 11 кл. - 1 г. 10 мес. по заочной форме: на базе 9 кл. - 4 г. 10 мес., 11 кл. - 2 г. 10 мес.

#### 09.02.07 ИНФОРМАЦИОННЫЕ СИСТЕМЫ И ПРОГРАММИРОВАНИЕ

Квалификация выпускника: специалист по информационным системам  
Срок обучения: по очной форме: на базе 9 кл. - 3 г. 10 мес., 11 кл. - 2 г. 10 мес.

#### 54.02.01 ДИЗАЙН (по отраслям)

Квалификация выпускника: Дизайнер  
Срок обучения: по очной форме: на базе - 9 кл. - 3 г. 10 мес., 11 кл. - 2 г. 10 мес.

### ПРИЕМ ДОКУМЕНТОВ:

- на очное отделение - с 10 июня по 15 сентября,  
- на заочное отделение - с 10 июня по 30 сентября.

Адрес приемной комиссии: РД, г. Махачкала, ул. Аскерханова, 13а.  
Контакты: 8-988-784-51-56 E-mail: gpkdag@mail.ru www.gpkdag.com



